

مجموعه ابو الضحی

ماسوا شایه سندن دلی قطره چالش
پرتو حکمت و عرفان ایله تنویره آالش

هر ماه عربی ابتدا سیله اون بشته نشر اولور فنون مجموعه سیدر

جزو ۴۷ [فی غره جمادی الآخر سنه ۱۳۰۲] نسخه سی ۳ فروش

دخی ایلری کتشلردندر . مثلاً تاریخی آچیله جق اولسه بوگون التزام اولان و غایتی بر معنای حقیقتی گبی سویله مامک ایچون برچوق استعارات و الفاظ گریوه لرینده طولاشدیریلان (آداب) افاده ایله طبان طبانه ضد و فقط کور قاضی به (کور قاضی) دیمک قدر موافق حقیقت پک چوق مقالاته تصادف ایدیلیلر . ازجمله (قاضی زاده لیلره) متعلق بچخده سویله برفقره کور بیورز :

« حتی متواللرندن بری که گروه فاقیه نك نامداری ایدی .

« بیقلرینی تراش ایله زعمنجه هر حالی سنت نبویه به تطبیق دعواسنده ایدی . صورت ظاهرده اولاد یرینه تربیه ایشلش برنوجوان خدمتکاری « وارایدی ؛ چقشیرینه حریر قاشیدن اوچقورلق یادرمش ایدی . پیر « مشار ایله حین وصالده حریر اوچقورانی گوروب (بو حرام قاشی گیدر « گاه و بیگاه وجودمه دو قنوب بیمنی یره آثم اولورز) دیمش . افعال شنیعه « نظرینه گورونمیوبده توتون ایچمک ، حریر کیمک . بییغن قرقامق و صو . « فیلرک سماغه حاضر اولق یانلرنده جرم عظیم عد اولنور . »

ایشته شوققره تمامی تمامنه ره آلیرم مسلکنه موافق یازلمشدر . حتی ذات بحث دخی رآلیرم نقطه نظرندن دروغ وریایی مؤاخذهدن عبارتدر . زمانمزرده ایسه بوفکری افاده ایچون بوقدر آچیق یازمق فقره نك ناطق اولدینی مکارهی ایشلکدن شنیع عد اولنور . بو عیب ایسه اخلاق نك برطام سطحی ولفظی مراد اساسله مبتنی و حقیقتدن عاری اولمقلغندن نشأت ایدیور .

کیجه زیارتی

(بار یوزو) پاپاسی مرد و مکرم بر راهب اولوب قره سودا ایله مذهبی بر برینه قارشیدیرماز ایدی . طعامدن گرک اول گرک صکره غایت سویملی

بر مصاحب ایدی . کندی اداره روحانیه سی تحتده بولسانلر ایله ایتدیگی صحبتلرده بروسعت قریحه ابراز ایدر ایدی ، بر جمعیتی گولدیرمک ایچون اقتضا ایدن کلماته واقف وهرکس طرفدن سولور بر راهبک جربذه مسعوده سنه وقضای داخنده لاینمزل بر مأموریتی حائر بولندیغندن اوراده حضور ایله اکمال انقاس ایده جگی امنیه سنه وحرص وطمعسز بر آدمک غنای قلبه مالک ایدی . اداره روحانیه سی تاریخی کندیسنجه پک معلوم ایدی ؛ زیرا چوق سولیدکن صگره چوق دگلر ایدی . حتی اولا کندی سوزه ابتدار ایتسی سائرلرینی سولتمک ایچون اتخاذا ایتدیگی بر طریق ایدی . اوغلر یدر و بیوک پدرلری حقنده نقل حکایته ابتدار و (بار ییزو) پاپاسی بولارک تفصیلاتنی ذهنته ادخار ایله یکدیگرینه مزج ایدر ایدی . آقشام خانه سنه عودتنده قضاسنک تاریخ عادات و اخلاقی مجهوللردن معلوملر استخراج ایتک طریقله یازار ایدی .

بولندینی گوشه ازوای عالمی اولدرجه سور ایدیکه کندیسینی ایچون جهان کلیسایه ناظر بولندینی اووانک طاغی اتکلرنده نهایت بولور ایدی . گرک مبدا و گرک نتایججه سائر محللره عائد بولنان و (بار ییزوده) ابتدا ایتیموب (بار ییزوده) انتها ایدن احوال و وقوعات کندیسینی زیاده سیله یوره رق مشغله ترتیب و تقسیمی تأخیر ایدرلر ایدی . بوللره جروق مانعه نظریله نگران و اوزرلرینه صرف افکاردن روگردان اولیموب اتخاذا ایتمش اولدینی اصول محاکمه سنک انتظامی محتل اولدیغندن نیچون جناب حق (بار ییزو) لیلرک بالکلیسه معلوماتلری بولنمیان بر طاقم احوال و وقوعاتک (بار ییزوده) جریانه رخصت و یردیگی کندی کندیینه استفسار ایدر ایدی . هر نه وقت مکالمه (قومبولوغ) اورماننک نامی قاریشیدر لسه احوال و وقوعات مذکورده دن برینی برکشایش و همان بر حزن اضطراب ایله نقل و حکایت ایدر ایدی .

— آه ! بواسمی تلفظ اتمکله بگا خیلی عجیب برشی اخطار ایدیور.

سکر . بر حکایه که هیچ بر وقت کنهنه واقف اوله مدم و نه ابتداسنه و نه ده انتهاینی واقف اوله مدیغ ایچون خدمدن دلی اوله جغ ! دیه باغرر ایدی .
— تحف حکایه اوله ایسه وسطی نقل ایدیگز دیرلر ایدی .

اول وقت سسنه بر حزن طاری اوله رق افقده (آویرون) . اینان بیوک بولک نهایتده، پارمغیه بیانی کستانه، آق کلکن و میشه آغا جلرندن متشکل بر جسم اورمانلق گوستر ایدی .

بر اقسام معاندندن زیاده چالشمش ایدی . خدمتجیسی یاتمش و اقامتگاهی ایسه بر سکونت ایچنده قالمش ایدی . باشی آغرلشمش اولدینی حالده پنجره لرک قنادرینی قیامق اوزره صندالیه سندن قالدیغنده کلیسانک اوکنده ایکی آدم شکلی مشاهده ایدی .

کجه همان قراگلق اولوب قرک کلیساجانی آرقه سندن صاحقه اولدینی بر بیاض ضیا ایچنده بلوطلر جولان ایدیورلر ایدی . والحاصل بر چرکین فورطنه کجه سی حاضر لقمده ایدی . بویله نصف الیلده کوی میداندنه قوگوشقمده اولان بو ایکی آدم کندینه گورندیلر .

او حالده بونلر (باریرو) لیدرلر ؟ چونکه مملکتلرک اطرافنی آجیق اولوب گرک عمومی عربلر و گرک تیمور بویله ارتباطی یوقدر . کوی سائر بالمله امکنه دن اون کیلو مترو بعد مسافه ده در . بونلر بیانجی اوله مازلر . (باریرو) لیدرلر دیر ایدی .

اندیشه لی بر حالده قبونک سورمه سنی سورمک اوزره آشانی ایندی که بو احتیاطی اکثریا بیلزم گوریر ایدی . او طه سسنه چیقار چیقماز قپو ایکی دفعه اورلدی .

— خدمتجی قادین او یقودن بردنبره بیدار اوله رق « کیمدر او ! » دیدی .

— راحتسز اولما یگز ماریان ! بن دها آیاقده میم . دیه راهب نردباندن باغردی و تکرار ایندی .

— کیم سگز ونه ایسترسگز؟ دیه سؤال ایتدی .

— بیانجی بز!

(بار یزو) پاپاسنک اندیشه سی تزايد ایتمگه باشلادی .

طیشاروده کیلر تکرار شویله دیدیلر :

— اولمک اوزره بولنان برقادین حضور یگز ی آرزو ایدیور .

اسمی ؟

جواب و یرمدیلر .

— اداره روحانیهم داخلندن میدر؟

— خیر راهب افندی بزم گبی برانجیدر .

— (بایزو) ده حصم واقربا کردن کیمسه یوقیدر!

بیانجیلر دک بری شو شکایته اجتسار ایتدی :

— راهب افندی ! حضرت عیسی هر کس ایچون بذل جان

ایتدی . گلیگز .

نهایت کیتگه قرار و یردی . قیو آچیلور آچیلار کیرو چکلدی .

شمعدانی ایکی مدهش چهره تنویر ایدیور ایدی .

وجهلری ایس وایچ یاغیله بویانمش ایدی . بوتقاب غریب اللون

ایکی آدمه غایت مدهش بر منظره و یریور ایدی . بریسی ایری کنارلی

یموشاق بر شابقه ایله برده اسپانیا مانتوسی کیتش ایدی دیگر ی (آن)

لیسلرک استعمال ایدوب (بهرمت) تسخیه ایتدکلری تپه سی گنیش بر شابقه

کیتش واثوابلرینک ایسه فرسوده لکدن ایسلکلری گورینه رک پچاوره حاله

گلمش ایدی . بو برنجینک امری آلتنده گلمش اولدینی آگلاشیلوب

آندن ایکی خطوه کیروده طور یور ایدی .

— الله راضی اولسون راهب افندی بز ی تعقیب ایدرمیسگز؟ قادین

اولمک اوزره در عجله ایدلم !

— پاپاس علامت قبول اولمق اوزره بردرین ایچ چکدرک پک اعلا
سزی تعقیب ایدرم دیدی .

روغن مقدسی حاوی اولان اوفاق برقوطوی آلمق اوزره یوقارو
حیقبوب غایت ساکت اولدینی حالده بردعا اوقویه رق تکرار ایندی .

— بنی نزهه گوتور بیورسکُر ؟

— (قومبلونع) اورمانه .

اوج آدم آرتق هیچ برکله تعاطی ایتدیلر . پاپاس، صاغنده یموشاق
شاپقهلی و صولنده (پهرت) لی حریف اولدینی حالده کزملکه کیدر گهی
باستونئی سورر ایدی .

آرتق اوکنده حائل قالماش اولان قرک ضیاسی آلتنده اورمان
اوزاقدن جسم سیاه برلکه گهی گورنمکده و کوک گورلتیلری غایت اوزاقدن
گلمکده ایدی . هرشمشک چاقشده ببانجیلر خاج چیقارلر ایدی .
— پاپاس بوآدملرای خرسیتان اولمیدرلر دیر ایدی .

بونلر اورمانه واصل اوله رق قرانلقده آياقلا رینک آلتنده قوری یاپراقلر
چتیردامقده ایدی . بش دقیقه ده یوریدیلر . شاپقهلی حریف طوردی
و — ایشته بوراسیدر ! دیدی . درت آغاچ کوکی قازیقلى ایتکده اولان
برنوع چادر دن آه و اینلر چیقور ایدی . چادرک داخلنی گاه باتوب گاه
چیتقمده اولان برضعیف اشق تنور ایدیور ایدی . اوچی بردن کیردیلر .
ایسللی و کور برشمعدان ایله منور آصمه و آغاچ یاپراقلردن بریتاق
اوزرنده گنج و غایت حسنا برقادین یاتسور ایدی . راهی گورر گورمز صولمش
اولان دوداقلرینی برتبسم حرکت ایتدیردی . فقط پاپاسه تقرب ایتسنی
اشارت ایتمکله برابر برحرف بیله تلفظ ایتدی . چپلاق و بیاض قوی
یاننه دوشهرک تنفسی خردامغه باشلادی .

ایکی حریف دیز چوکدیلر .

— (باریزو) پاپاسی غایت حزین و دترک بر صدا ایله قادینک
اوزینه اگیله رک :

— جرمگزی اعتراف ایده بیلورمیسگز چوجغم ؟ دیدی .
باشیله اجرا ایتدیگی بر حرکتیه راضی اولدینی اقرار و بو حرکتدن
صاچلری کبار نسیاه مخصوص غایت لطیف بر رايحه انتشار ایلدی .

حریفار ایاغه قالمق سزین و دوداقلاری آره سنندن دعالر مرلده نرق
قبویه طوغری گپرو چکلیدیلر . بر چاریک مرور ایتدی . پاپاس همان
قولاغنی حالت نزعده بولنان قادینجقزک آغزینه یاشدیرمش ایدی . نهایت
ستون جسمک ایکی دفعه ارتعاشندن صکره اول زانیه مهلقا متبسم دوداقلاری
آره سنندن بر اوزون آه جانگاه چیقارتدی .

— پاپاس، آرتق بتدی افندیلر ! دیدی .

— شایقه لی حریف غایت اضطرابلی بر صدا ایله :

— هیچ اولماز ایسه کناهرینی عفو ایتدیگزمی ؟

— اوت .

— دیگری، او شمعی عرش اعلایه صعود ایتدی . دیدی .
ایکیسی ده آیاغه قالمق رقی پاپاسی تکرار محله گوتورمگی تکلیف ایتدیلر .
— تشکر ایدرم بن یالگزر کیدرم .

باشی اوگنه اگیلمش اولدینی حالد پاپاس محل اقامته داخل اولدی
واوکیجه هیچ او بومدی ایرتسی گونی شفقله برابر حرکتله بر محل مقدسه
دفن ایتک ایتدیگی متوفیه نی بولمق ایچون اورمانه طوغری شتاب ایلدی .
و بو خدمتی یبانیجیلره تکلیف ایتدیکنندن طولانی کندی کنسیدنی تخطئه
ایدر ایدی .

چادری آرادی . فقط چادر نابدید اولمش ایدی . بو فجیعه عجیبه دن
هیچ بر اثر قالماش ایدی . بو نعلشی نصل غائب ایتدیلر ؟ بو حریفار کیملر

ايدى ؟ چنگانه لرمى ؟ خير . اغنيامى ؟ اھتال . اعتراف جرم بوغريبه ينى
 كنديسنه بىبتون كشف ايدم مامش ايدى . كنديسنك اڭ زياده تشويش
 ذهني موجب اولان شى اول مهلقانك صاحبلردن انتشار ايدن رايحه
 لطيفه ايدى . هر نه وقت (بار ييزو) پاپاسى بو حكايه ينى نقل ايتسه شووجهاله
 باغرمقدن كنديسنى آله ماز ايدى :

نه پيارسكز ! بو بر حكايه دكل . فقط بروقه در . نه باشى نه قيجى .
 اگر دها زياده دوشونمش اولسه م دلى اوله جئم . اوحالده يالگزر اداره
 روحانيه م داخلنده بولنانلرله گوروشمكى آرزو ايدرم . وهان سامعينك تحريكات
 اندیشه ناكي آره سنده : نافله آرامايگز ! سز دن اول بن چوق آردم .
 بو بروقه . ايسته هپسى بو .

چينيليرك قاموس علومى (آنسقلوپدى)

جهان مدنيتك اڭ جسيم وَاڭ زنگين موزه سى اولان لوندره نك
 (بريتش موزه ئوم) نامنده كى آنتيقه خانه سى شمدي يه قدر اله سكريلن چين
 آثارينك اڭ بيوك وَاڭ مكمل بر مجموعه سنى ادينمگه موق اولمشدر .

بو مجموعه ، مشهور ايمپراطور (قانغى) نك زماننده جمع وتاليف
 ايدلمشدر . چينيلر برخيلى عصرلردن برى بويله آنسقلوپدى صورتنده
 ترتيب اولمش اثرلره پك اهميت ويردكلردن دها طقوزنجى عصر ميلاديه
 چينده ۲۰۰ جلددن عبارت بر قاموس علوم ترتيب ايدلمش ايدى . بونكله
 برابر اثر مذكور مؤخرأ ايمپراطور اولان (يونغ . لو) نك جمع ايتديديگى
 اثره نسبتله هيچ حكمنده در . چونكه مشار اليه ايجه امتداد ايدن زمان
 سلطنتنده وجوده گلان مؤلفاتك مذكور آنسقلوپدى ايچون ماخذ اتخاذا